

康熙三十七年
陈欲达修
邵紫客纂

四会县志
(四)

肇慶府四會縣志卷之十五

人物傳

聞之漢儒云人得天之靈貴於物知自貴於物然後知仁義重禮節樂殉理斯可以稱之曰人物而貴賤顯晦勿論焉會自五代其人始有可紀雖盡節偽朝亦忠勇之概也宋而積中父子世為名臣盛矣至明之薦紳大夫以及有一命之寄者苟無媿於人皆紀而述之而閭巷之士砥行立名者亦得並列誠有

意乎其人非苟而已也夫之數人者或以行
誼或以才猷或以氣節彼亦各率其性之所
近以成其品豈自意名垂後世焜耀史冊哉
然而直道之在人心自不容泯沒誰謂江河
不可返也人貌榮名豈有既乎故備傳之俾
後君子得以覽焉

李復修曰宋仁宗每言人材實難不忍終
棄旨哉會雖褊小其間道化之所蒸洽
或蜚聲科甲或馳譽貢辟緯武經文後

先接踵以至山林韜晦閭閻孝義節婦
貞標遺韻流徽俱堪神逞安可使之泯
滅無傳哉茲備列之所以昭往行而風
來禩非淺鮮也

五代

陸光圖祖東^升為劉隱裨將守端州及龔建國
累遷兵部侍郎父昂桂州刺史靜江軍節度
使光圖生長華胄讀書知大義仕至閤門
副使劉鋹時文武多入知內侍省光圖堅求

外郡遂出為彬州刺史。張昏愚以彬為極邊。

惡地，故徙之光圖至彬，周恤窮民，招輯兵士。

彬境賴以寧謐，民呼陸父大寶。八年，宋師來。

化光圖遣兵柵騎田嶺，會雨漲，潢溪水溢，宋。

將潘美至，順流破其柵，遂取彬州。光圖與大。

將暨彥賁力戰，敗績，被執，抗罵不屈，俱死之。

張遂亡國，其子孫多居端州綏城。尤盛。按：光

故吏龐姓者，常奏事見張，識之。及張降于潘美，過騎田嶺，龐來迎，張驚曰：「爾亦在此耶？」對曰：「大王之國，境邊至此，而極非有萬里之遙也。」張昏驕，初以彬為極邊，意在窮荒之北，故

宋

使光圖居之不知其在中國特緝凡黑子耳
通鑑綱目五代通史志

李士廉字舉之社山都人形貌魁碩有大志
喜周游四方尤愛蜀之勝槩因寓于錦城輕
財好施蜀人敬之熙寧二年河隴用兵諸將
經費不節朝廷遣御史按察下總管王君萬
於獄君萬素不識士廉望風遣人求救士廉
知君萬驍將也出錢二萬緡與免罪既出獄
適值鬼章犯洮隴君萬力戰屢克敵每以所

獲功為士廉報士廉曰吾豈望報者天果祐
吾有子力學獲祿養足矣君萬感泣後子積
中果登進士第士廉從積中宰新吳時廉訪
委鞠獄陰使中傷人又令增羨鹽許以薦章
士廉戒之曰吾固願汝顯榮必以是得祿弗
願也積中竟從父訓後以積中貴翰林學士
李氏子孫多賢實士廉積德之報也通志
積中士廉子元豐二年進士卓然有台輔器
歷官御史翰林直學士司馬溫公作相時積

中嘗與議新法言不阿世後蔡京得政黜元祐之黨凡二百九十人積中在黨中舊居社山後以黨籍遂家豫章世仕于朝衛尉丞良弼戶部侍郎安國兵部尚書大性省元大異大東皆其子孫並躋侍從為世名臣

見一統志舊志

通志

李大性字伯和積中孫少力學習本朝典故以父任入官因忝選進藝祖廟謨百篇及公私利害百疏又言元豐制六察許言事張博

為相始禁之乞復舊制以廣言路從臣力薦
之命赴都堂察審僅遷一秩為湖北提刑司
幹官未幾入為主管吏部架閣文字丁艱
服闋進典故辨疑百篇皆本朝故實網羅百
家野史訂以日曆實錄核其正舛悉有據依
孝宗讀而褒之嘉之擢大理司直遷勅令所
刪定官添差通判楚州郡守吳曦與都統劉起
議欲移城他所大性謂楚城實晉義熙間所
築最堅今何以脆薄易堅厚乎持不可臺臣

將劾其阻撓會從官送北客朝命因俾廉訪
具以實聞遂罷戎帥召大性除大府寺丞遷
太宗正丞兼倉部郎尋改工部陳傳良以言
事去國彭龜年黃度楊方相繼去大性抗疏
言朝廷清明乃使言者無故而去臣所甚惜
也數人之心皆本愛君任其去而不顧恐端
人正士之去將不止於此孟子曰不信仁賢
則國空虛臣所以為之寒心也孝宗崩光宗
疾未能執喪大性復上疏言今日之事顛倒

舛逆金使祭奠當引見於北宮素帷不知是
時猶可以不出乎成人有兄死而不喪者聞
子臯將為成宰遂為哀成人曰兄則死而子
臯為之哀若陛下待使來然後執喪恐貽譏
中外豈特如成人已哉遷軍器少監權司封
郎提舉浙東常平改浙東提刑兼知慶元府
召為吏部郎中四遷為司農卿明年兼戶部
侍郎出知紹興府甫一歲召為戶部侍郎陞
尚書朝論將用兵大性條利害不宜輕舉忤

韓侂冑出知平江移知福州又移知江陵克
荆湖制置使江陵當用兵後殘燬饑饉繼以
疾歿大性首議賑貸凡三十八萬緡有奇前
官虛羨凡十有四萬五千緡率蠲放不督民
流移新復業者奏免徵權邊郡武爵本以厲
士冒濫滋衆劾兩路戒司冒受逃亡付身凡
三千四百九十有七道繳上毀之左遷為之
一清江陵舊使銅錙錢重楮輕民持貨入市
有終日不得一錢者大性奏乞依襄郢通用

鉄錢於是泉貨流通民始復業除刑部尚書
魚詳定勅令尋遷兵部時全國分裂有舉北
伐之議者大性以和戰之說未定乞令朝臣
集議從之尋以端明殿學士知平江府引疾
丐祠卒於家年七十七贈開府儀同三司謚
文惠李氏自積中三世官于朝父子兄弟相
師教而大性與弟大異大東並躋從列為世

名臣云

宋史舊志通志皆載

陳廸字保中博學能文篤於孝友登洪武乙丑進士任江陵縣丞有政聲坐事謫戍遼左十年以明經薦為國子助教仁宗在東宮時召入文華殿四試之欲授他職廸辭以疾又選入文淵閣同修永樂大典居官戢十餘年卒有詩文類集百二十卷藏于家

呂斯美字道先興賢都人俊雅有直節博洽多才洪武間由人材薦辟授兵科給事中遇事敢言行事多卓犖不能備述云

盧剛字柔濟洪武二十五年貢生大學歷官
岳州守常登岳陽樓誦范文正記中先憂後樂
語慨然景慕居官一意憂民不為私圖勵精
勤政興利除害百姓德之致官居家恂恂不
立崖岸鄉人至今尤能誦述其行
林用章寺山都人元末隨父烱由綏城銀岡
徙居上林砥行好修洪武間以明經授邑訓
導聲聞日著革除已非應詔上書大要在推
誠以安親藩業具藁疾不果行知縣梁潛閱

其書題之惜其不究大用云

李宗林字嗣茂社山都人幼值兵亂奉母賴
氏遷徙不常而晨昏定省問寢視膳曾不少
輟舉永樂戊子鄉薦任交州府利仁縣令育
士愛民興廢補弊多有美政惠澤及人人咸
戴之以病告致百姓泣留刻石頌德垂橐歸
家片楮不入公門惟好詩文勤著述教訓七
子吟詠自適而排難解紛仗義務施尤為里
中所倚重年七十有四卒於家子孫繁衍科

甲濟美人以為積善之報云

鄭彤字子敬貞山都人性剛方貧而有守領
永樂鄉薦以文學入對授吏科給事中疏劾
李賢隱伏事無所避忤執政意罷去杜門謝
事所積不足以給衣食處之裕如子錫景泰
鄉薦仕廣州府同知

林賁字光輔永樂乙未進士授陝西道監察
御史在任十餘年歷按三省嚴毅執法不少
徇人持服家居族姻私托悉拒之服闋之藩